



Projekat finansira
Evropska unija



Koalicija "Pod lupom"

Newsletter

septembar 2020. - decembar 2020.

Za slobodne i poštene izbore!

Pregled

Dugoročno posmatranje izbornog procesa

100
dugoročnih posmatrača
143
općine/opštine i grada
1858
aktivnosti
1571
sastanaka
1483
izbornih nepravilnosti

Posmatranje izbornog dana

6245
prijava za posmatrače
3191
akreditovani posmatrač
2698
posmatralo izborni dan
1374
pokrivenih biračkih mjesta
137
posmatrača u LIK-u

Medijske aktivnosti


10 konferencija za medije
18 saopćenja za javnost
800+ medijskih članaka o aktivnostima Koalicije "Pod lupom"

650 objava na društvenim mrežama
1 100 000+ informisanih građana
80 000+ angažman

Zagovaračke aktivnosti

68 zagovaračkih sastanaka
5 zagovaranih i usvojenih preporuka
1 usvojeno unapređenje u legislativi

Trodnevna online edukacija „Izborna škola“ za organizacije civilnog društva (16. – 18. 6. 2020.)



Koalicija „Pod lupom“ je održala modul obuke pod nazivom „Izborna škola“ koji ima za cilj izgraditi kapacitete organizacija civilnog društva u nestranačkom posmatranju izbora. Modul je obuhvatio preko 120 aktivista/kinja iz 80 OCD-a i pojedinaca iz cijele BiH.

Prvi modul obuke je održan online putem usljed situacije izazvane epidemijom korona virusa.

Trening za dugoročne posmatrače izbornog procesa u Sarajevu (1. – 3. 9. 2020.)



Koalicija „Pod lupom“ je obučila 100 dugoročnih posmatrača izbornog procesa iz 85 organizacija civilnog društva i neformalnih grupa koji su posmatrali izborni proces od 07. 09. 2020. godine do 22. 11. 2020. godine. Dugoročni posmatrači su u navedenom period održali 1858 sastanka i poslali su 1571 izvještaj o dugoročnom posmatranju.

Predstavljanje prvih rezultata dugoročnog posmatranja u Banjoj Luci (01. 10. 2020.)



Koalicija „Pod lupom“ je prvu konferenciju održala u Banjoj Luci te je na njoj predstavila projekat STEP javnosti i prve rezultate dugoročnog posmatranja izbornog procesa.

Predstavljanje prvog preliminarog izvještaja o dugoročnom posmatranju Lokalnih izbora 2020. godine u Sarajevu (15. 10. 2020.)



Koalicija „Pod lupom“ je na press konferenciji održanoj u Sarajevu predstavila Prvi preliminarri izvještaj o dugoročnom posmatranju Lokalnih izbora 2020. u periodu od 07. 09. do 11. 10. 2020. godine. Koalicija je predstavila ključne nalaze dugoročnog posmatranja koji se odnose na 538 zabilježenih izbornih nepravilnosti.

Ulične akcije u cijeloj Bosni i Hercegovini



Bosanska Krupa (06. 10. 2020.)




Mrkonjić Grad (09. 10. 2020.)

Koalicija “Pod lupom” je u saradnji sa organizacijama civilnog društva održala 37 uličnih akcija u svim općinama/gradovima u BiH u svrhu angažiranja posmatrača izbornog dana.

200 obuka za posmatrače izbornog dana



Dugoročni posmatrači Koalicije “Pod lupom” su održali oko 200 obuka za posmatrače izbornog dana u cijeloj Bosni i Hercegovini. Usljed situacije izazvane korona virusom, Koalicija “Pod lupom” je napravila video obuku koju su dugoročni posmatrači koristili kao alat sa obuku posmatrača izbornog dana.



Video obuka za posmatrače izbornog dana

Predstavljanje Drugog preliminarog izvještaja o dugoročnom posmatranju Lokalnih izbora 2020. godine u Sarajevu (13. 11. 2020.)



Koalicija "Pod lupom" je na press konferenciji održanoj u Sarajevu predstavila Prvi preliminarni izvještaj o dugoročnom posmatranju Lokalnih izbora 2020. u periodu od 07. 09. do 08. 11. 2020. godine. Koalicija je predstavila ključne nalaze dugoročnog posmatranja koji se odnose na 1245 zabilježenih izbornih nepravilnosti.

Centralna izborna komisija BiH i Krizni štab FBiH usvojili preporuku Koalicije "Pod lupom" kojom se posmatrači Koalicije "Pod lupom" izuzimaju od mjera ograničavanja kretanja u izornoj noći.



Naredba koju je Krizni štab Federalnog ministarstva zdravstva izdao 10. 11. 2020. godine, a kojom se "ograničava kretanje stanovništva na cijelom teritoriju Federacije BiH u vremenu od 23:00 uvečer do 5:00 sati ujutro narednog dana", ozbiljno bi otežala ne samo aktivnosti posmatranja izbora nego i rada izborne administracije tokom izborne noći, kao i medija koji prate izborni proces.

Federalno ministarstvo zdravstva je nakon upućenog dopisa poslalo instrukciju Ministarstvima unutrašnjih poslova svih kantona navodeći da su od mjera ograničavanja kretanja izuzeti nestranački posmatrači Koalicije "Pod lupom"

Trening za operatere u pozivnom centru i za tim za kritične situacije na izborni dan (14. 11. 2020.)



Prije izbornog dana, Koalicija "Pod lupom" je u Sarajevu organizovala trening za operatere u pozivnom centru i za tim za kritične situacije koji su komunicirali sa posmatračima izbornog dana.

Koalicija "Pod lupom" na izborni dan 15. 11. 2020. angažovala 2225 posmatrača izbornog dana



Koalicija "Pod lupom" je zajedno sa 85 organizacija civilnog društva za izborni dan angažovala 2225 posmatrača izbornog dana. Koalicija "Pod lupom" je zaprimila 6245 prijava za nestranačko posmatranje izbornog dana, od

čega je akreditovano 3191 posmatrač. Na izborni dan je ukupno pokriveno 1228 biračkih mjesta, te je i u 137 lokalnih izbornih komisija Koalicija "Pod lupom" imala svoje posmatrače.

Posmatrači su na izborni dan poslali 11 333 SMS izvještaja, te je obrađeno 250 000 podataka čime je na izborni dan zabilježeno 200 izbornih nepravilnosti.

Povodom izbornog dana, Koalicija "Pod lupom" organizovala tri konferencije za medije i objavila 6 saopćenja za javnost



Koalicija "Pod lupom" je na izborni dan organizovala niz medijskih aktivnosti kojima je izvještavala javnost i medije u realnom vremenu o cjelokupnom procesu izbornog dana, od otvaranja biračkih mjesta, procesa glasanja, zatvaranja biračkih mjesta, brojanja glasova do uočenih nepravilnosti na izborni dan. Koalicija "Pod lupom" je radila i prijenos uživo svih konferencija za medije, te je periodično objavljivala infografike o toku izbornog procesa na društvenim mrežama Koalicije "Pod lupom".

Predstavljanje preliminarne ocjene izbornog dana u Sarajevu (16. 11. 2020.)



Preliminarna ocjena izbornog dana za Lokalne izbore 2020. godine Koalicije „Pod lupom“ je da je izborni dan na najvećem broju biračkih mjesta protekao u skladu sa Izbornim zakonom BiH i provedbenim aktima, uz nepravilnosti koje se, uglavnom, već tradicionalno ponavljaju iz izbornog ciklusa u izborni ciklus.

Značajniji problemi registrovani su na oko 4% biračkih mjesta, gdje je primijećena kombinacija različitih izbornih nepravilnosti što može upućivati na ciljane manipulacije izbornim procesom.

Posmatračima Koalicije "Pod lupom" zabranjen pristup biračkim mjestima u Doboju, Centralna izborna komisija poništila izbore




Na dan održavanja redovnih Lokalnih izbora 2020. godine u Doboju, akreditovanim nestranačkim posmatračima Koalicije "Pod lupom" nije bilo omogućeno posmatranje izbornog procesa. Koalicija "Pod lupom" je poslala zahtjev za poništavanje izbora u Doboju,

nakon čega je Centralna izborna komisija BiH donijela odluku o njihovom poništavanju.

Prijave Koalicije “Pod lupom”

Centralna izborna komisija je na osnovu prijava Koalicije “Pod lupom” naredila ponovna brojana glasačkih listića na 30 različitih biračkih mjesta u BiH i sankcionisala slučajeve prijevremene izborne kampanje.

Online kampanjom za mlade “Prvi put biram” ostvaren doseg od 300 000



#prviputbiram
O IZBORIMA 2020.

Koji izbori će se održati 2020. godine?
U nedjelju 15. novembra/studenog 2020. godine održat će se Lokalni izbori.

Ko se bira na njima?
Na Lokalnim izborima se bira:

- a) načelnik/ica općine, odnosno gradonačelnik/ica grada
- b) vijećnici općinskih i gradskih vijeća u FBiH
- c) odbornici u općinskim i gradskim skupštinama u RS
- d) zastupnici u Skupštini Brčko distrikta BiH

Ko organizuje/organizira izbore?
Sve izbore raspisuje i organizira Centralna izborna komisija BiH/Središnje izborno povjerenstvo BiH.

Ti/Ko može glasati/glasovati na izborima?
Svi državljani/ke BiH koji su navršili 18 godina ili će na dan održavanja izbora navršiti 18 godina.

Koalicija “Pod lupom” je zbog korona virusa edukativno-informativnu kampanju za mlade “Prvi put biram” realizirala online. Na društvenim mrežama su targetirane mlade osobe koje prvi put izlaze na izbore sa 175 objava kojima se postigao doseg od 300 000 i angažman od 20 000.

Koalicija “Pod lupom” održala evaluacijski seminar u Sarajevu za 100 dugoročnih posmatrača izbornog procesa



Na evaluacijskim seminaru su predstavljeni rezultati posmatranja izbornog procesa, te je pokrenuta diskusija o načinima poboljšanja procesa dugoročnog posmatranja, angažovanja posmatrača izbornoga dana, sistema izvještavanja i komunikacijskih aktivnosti koalicije “Pod lupom”. Na seminaru je svim organizacijama civilnog društva je predstavljen plan aktivnosti za 2021. godinu.

Nakon 12 godina održani izbori u Gradu Mostaru



Koalicija “Pod lupom” je kroz svoje aktivnosti zagovarala ostvarivanje zakonskih pretpostavki i omogućavanje održavanja lokalnih izbora u Gradu Mostaru. Nakon izmjena Izbornog zakona u julu 2020. godine omogućeno je održavanje lokalnih izbora u Gradu Mostaru nakon 12 godina neodržavanja. Koalicija “Pod lupom” je

odmah najavila svoju nestranačku posmatračku misiju lokalnih izbora u Mostaru.

Koalicija “Pod lupom” u Mostaru predstavila preliminarne izvještaj o dugoročnom posmatranju izbora u Gradu Mostaru (18. 12. 2020.)



Koalicija “Pod lupom” je 18. 12. 2020. godine održala konferenciju za medije u Mostaru na kojoj je predstavila preliminarne izvještaj o dugoročnom posmatranju izbora u Gradu Mostaru za period od 05. 10. 2020. do 14. 12. 2020. godine.

Na izborni dan u Gradu Mostaru, Koalicija “Pod lupom” pokrila sva biračka mjesta



Trening za posmatrače izbornog dana u Gradu Mostaru

Koalicija “Pod lupom” je na izborni dan u Gradu Mostaru angažovala 240 posmatrača izbornog

dana koji su pratili rad process glasanja na svim biračkim mjestima.

Povodom izbornog dana, Koalicija “Pod lupom” organizovala dvije konferencije za medije i objavila 5 saopćenja za javnost



Koalicija “Pod lupom” je na izborni dan u Gradu Mostaru organizovala niz medijskih aktivnosti kojima je izvještavala javnost i medije u realnom vremenu o cjelokupnom procesu izbornog dana, od otvaranja biračkih mjesta, procesa glasanja, zatvaranja biračkih mjesta, brojanja glasova do uočenih nepravilnosti na izborni dan. Također, Koalicija “Pod lupom” je periodično objavljivala infografike o toku izbornog procesa na svim društvenim mrežama.

Ambasador SAD-a, Eric Nelson i šef Delegacije EU i specijalni predstavnik EU u BiH, Johann Sattler u posjeti Pozivnom centru Koalicije “Pod lupom” na izborni dan u Mostaru





Projekat finansira Evropska unija

Ova publikacija izrađena je uz finansijsku podršku Evropske unije.

Sadržaj ove publikacije je isključiva odgovornost Koalicije Pod lupom i ne odražava nužno stajališta Evropske unije.